

# Songtexte

## Diefseedaucher – Jo Jasper

1. GFÜHL (3:39)
2. KAA GRIECH (4:00)
3. FASDSINADION ( 5:23 )
4. WENN ALLES ZERBRICHD ( 3:31)
5. UM FÜNF (4:25)
6. MODDIVADSION (2:34)
7. DRÄNA (2:51)
8. MUUD ( 4:08 )
9. FREIND (3:32)
10. SUMMERDOOCH (3:39)
11. KAIBIRINNIA (4:16)
12. BLUE SUEDE SHOES (2:56)
13. SONNENBLUME (3:47)
14. WAS SÄGGSD? (1:42)
15. DIEFSEEDAUCHER (5:22)
16. WORSCHD SEI (3:19)
17. WENN DES SU LEICHD WÄR (3:50)
18. VADDER ( 5:18 )



Infos zu Jo Jasper: [www.jojasper.de](http://www.jojasper.de)  
Songtexte: [www.jojasper.de/diefseedaucher/](http://www.jojasper.de/diefseedaucher/)

## **Gfühll**

Text & Musik: Jo Jasper  
© 2018 Hörenswert Records  
Tonart: D moll / Tempo: 124

### Vers 1

Jeds mooll, wenn ich was ironisch maan,  
schdeigsd du voll ei und willsd mi ned verschdäi.  
Des is ä Zaichn für die Fremdheid,  
zwischen uns un deem wos mir um uns hörn un seeng.

### Bridge

Jedä is kuull un hod alles im Griff,  
sugar des Andersdaäidmend hod än gans bsondern Bfiff  
Jedä schdäiohd drübä un lebd mid Disdans,  
jedä hod sain gans eichnen Dans.

### Chorus

Hob su a Gfüll, wass du wos ich maan,  
zaich ich dir mai Gsichd, siggsd du, dass ich waan.  
Hob su a gfüllm, des kennd jemand schdöörn,  
und wenn i doch a Herds hob,  
dann wills kannä höörn.

### Chorus

Jeds Mooll, wenn ich a bisslä dsünisch bin,  
sachsd du, ich wär kabudd un desdruggdiev,  
des wär ä Zaichn für verlorne Dräume,  
des is der Umgansdoon auf unserm Narrnschiff.

### Bridge

### Chorus

Ich bob su a Gfüll, wass du wos ich maan?

## **Ka Griech**

Text & Musik: Jo Jasper

© 2018 Hörenswert Records

Tonart: A moll / Tempo: 113

### Vers 1

Ka Griech a guuds Leem Achdiram a Salam.

Ka Griech a guuds Leem Achdiram a Salam.

### Chorus

Alhuria Alhuria Alhuria

Alhuria, Allmähd na, ich deng an die Kindä in Syrien Syria.

### Vers 2

Griech is is Gegndail vo Friedn, achdiram a Salam.

Griech is is Gegndail vo Friedn, achdiram a Salam.

Alhuria Alhuria Alhuria

Alhuria Alhuria, Alhuria.

### Bridge

La, la la ...

### Chorus

### C Teil

Ä Dsidrohne fliehd am Himml, in der Fandasio von äm glaahnä Kind.

Ned gschdeurd vu irgndanner Kriegsmachd,

an äm Dschoisdig midäm Kombiuder.

Ich deng an des syrische kind, an sai fandasio, un seine Draim.

### Bridge

### Schluss

## Fasdsinadsion

Text & Musik: Jo Jasper

© 2018 Hörenswert Records

Tonart: D dur / Tempo: Ballade

### Vers 1

Fassd kannä is kummä und ich hob mi su drauf gfreid,  
auf ä riesn, riesn Nummä, mid ä haffn, haffn Laid.  
Mir häddn Liedä gsungä, uns sellber gfeierd haid,  
su im Middlung schdäi, des doud goud von Zeit zu Zeit.

### Vers 2

Es is völlich anders kummä, drei worns blous um hallb Achd,  
na ja, mid di zwa Veranschdaller, worns fünf.  
„Kumm dou gemmäglei widdä hamm!“  
Hammä uns dachd.  
„Kumm dou gemmäglei widdä hamm!“,

### Bridge

Doch in mir wor su ä schdimm, däi hod irgnwäi wos anders gsachd,  
doch in mir wor su ä schdimm, däi hod irgnwäi wos anders gsachd.

### Vers 3

Und dou hob i mi erinnerd, wäi ällans ich scho wor vor dsehndausnd Laid.  
Und, dass ich mir damolls gwünschd hob,  
wenn eds grood nur annä, nur annä mid mir red, redn däd haid.

### Vers 4

Dann hammä gsachd: „Kumm seds mer uns rum um än Disch  
mir dennä reedn und ich sing eich aä booar Liedä,  
jeder erdsählld ä bisslä vu seinä Gschichd.“  
Des hammä dann gmachd und a Freid is aufkummä  
und aff amoll hods gscheind, su ä Lichd.

### Vers 5

Des auf der Bühne woars ned, mir worn ja undn gsessn,  
na, des war su ä Du und Ich.  
Su was, wasd vor dausnd Leid gor ned machen kannsd.  
su wäi wenn annä wos gans bsonders in dei Herds nei bflansd.  
Su ä Schlichdheid, ka Fame sei, su ä grodnaus, ka: „Ich zeichs eich heid!“  
Su ä: des konnst mid Wordde gor ned soong.  
Verschdeehd ihr, verschdeehd ihr, wass ich maahn, su ä Fasdsinadsion.

Chorus

Fasdsinadsion, Fasdsinadsion, du mir erleem wos bsonders in äm Schloss ohne  
Droohn, Schbürn unsre Herdsn gemeinsam schloong.

Fasdsinadsion, Fasdsinadsion, mir sin uns begehned, in äm Raum ohne Machd,  
und jeder hod sich glannä, um des andern willn machd.

Hörst unser Lied, wäis glingd durch die Nachd?

Hörst unser Lied, wäis glingd durch die Nachd?

Chorus

## **Wenn alles zerbrichd**

Text & Musik: Jo Jasper

© 2018 Hörenswert Records

Tonart: C – moll / Tempo: 160

### Vers 1

Wenn alles zerbrichd,  
waill drohd wird, weill Griech herrschd,  
waill der Faind niemols zum Freind wärd,  
wenn nix mehr zammäbichd, ja:

### Vers 2

wenn alles zerbrichd  
waill drohd wird und gschbielld wird,  
wie beim Hassad, dou schdeggd is Wordd scho drin,  
bis alles zerbrichd.

Wenn alles zerbrichd – Dungalheid, schdadd Lichd,  
bis alles zerbrichd, der is schulld, des moch i ned,  
dem sei Gsichd, wenn alles zerbrichd, bis alles zerbrichd.

### Vers 1

### Vers 2

Und wenn dann annä gehd, densd gern ghabd hosd,  
dann kommers seeng, wie´s hädd gäi kennä,  
Ä mensch, den alle lieb ghobd hom,  
genauso mid Fleggn und Fehler,  
abber vershdändnisvoll, in Friedn im Sinn,  
kann Schreid und ka Missgunsd aufm Schirm.

### Ref\_

Wenn alles zerbrichd  
Dungalheid schdadd Lichd,  
bis alles zerbrichd.  
Bis alles zerbrichd, meisdns is dann scho zu schbäd,  
bis alles zerbrichd.

Blous mideinander kömmä waiderwandern  
un viellaichd schaffmers dann bis zum Ziel.  
Des höher achdn, den andern des is ka Dagdig,  
des is ka Schbüll, des is ka Schbüll,

## Um Fünf

Text & Musik: Jo Jasper

© 2018 Hörenswert Records

Tonart: A moll / Tempo: 123

### Vers 1

Hull di ab um 5,  
dreff mer uns auf än Kaffee.  
Ich will bündlich sei,  
frie mi, wemmä uns seeng.

### Chorus

Ä Schdüglä Kuung könnnd mer ah nu essn,  
vielleichd än Schwardwällder Kirsch?  
Ich seh grood: „Ich glaub, den homs nimmä,  
na ess mer halld än Bienäschdich.“  
Hull di ab um 5, hull di ab um 5.

### Vers 2

Ich deng scho ab 3,  
dass i mi aud dich gfrei.  
Bisd mer su verderaud,  
du bisd des ja a, mei Frau.

### Chorus

Wou kummsdn her, wie woa die Dooch?  
Hasd ön Schbass ghabd, oddä woars blous ä Blouch?  
Erzähl, hosd es alles gschaffd,  
wäisd des vurghabd hasd?  
Hull di ab um 5, hull di ab um 5

### Bridge (Skat – Teil)

### Chorus

### Vers 1

### Chorus

### Bridge (Skat – Teil)

### Schluss

## **Moddivadsion**

Text & Musik: Jo Jasper  
© 2018 Hörenswert Records  
Tonart G / Tempo:

### Chorus

Moddivadsion, Moddivadsion,  
wo bisdn du, mei Aggu is leer.  
Moddivadsion, Moddivadsion,  
ich bin su ofd auf der Suche nach dir.

### Vers 1

Du kummsd und du gähst, wie´s des grad willsd,  
es is, als ob du ä Schbiell, ä Schbiell mid mir schbüllsd,  
du briachersd ä moll a drümmä, ä drümmä Schelln,  
dass ders mol lernsd, däi Schdernlä zum zähl'n.

### Vers 2

Die Schdernlä, däi laichdn und zwor immerzu,  
ich wass genau, am Dooch gems ä Ruh,  
dou kann i mi verlassn, dou schdell ich mei Uhr  
und bei dir gähd di dauernn nooch und widdä vur – Mensch!

### Chorus

Wenn du nimmä mogsd, nou werri einfach mähid,  
konnsd du mi amoll froong, du magsd mi ganz bläid,  
des hobb i kann Bock mehr, eds brauch i di nimmä,  
nou bleib i halld lieng, für immer in mein Zimmä.

Nou verdien i halld nix mehr, nou verkaff i halld mei Haus,  
dann mäi mer halld schdembln, na zäing mer halld aus,  
na gibds halld ka Weihnachdn, ka Gscheng und ka Gans,  
nou zäing mer haööd in die Wohnung zum Ongl Frans – Um Goddes Willn!

### Piano solo

I hob die Schnaudsn vull, ich bin doch ned die Gloo,  
Dou is is Delefoonbuch, edz ruufsd dein Anwalld oh  
un wenn i die Verhandlung gwinn, ou grigsd äs Schwarzs auf Weiß,  
ber Gerichtsbeschluss folgsd du mir dann un zohlst än ho´n Breis, des sooch i dä

Moddivadsion, Moddivadsion, eds kummsd ä Moll her, mei Aggu is leer,  
ds bin ich der Chef un du fungsdioniersd, des sooch i dä, du!  
Sunsd, ich hobs dä vorhi gsachd, sunsd grigsd ä drümmä Schelln, du



und wenns frougsd glei nu annä hinderher, du!  
Eds kummsd ä Mool her du, des sooch i dä, du!  
Eds reichds mä endgüldich, gschdrichn mid dir, du!  
Eds griggsd glei nu annä Drümmä risn Schelln, du!  
Ä Schelln – hosd scho moll annä grichd, hä?  
Hosd scho moll annä grichd, frooch i di du!  
Ä Schelln griggsd du – ä Schelln.  
*Gähmend: Ä Schelln, gähmend – ä Schelln*

## **Dräna**

Text & Musik: Jo Jasper

© 2018 Hörenswert Records

Tonart: D dur / Tempo: 80

### Vers 1

Dräna wäi sulln mern heid schbülln,  
soll mer laufn, einfach nochn Gfühll,  
Sull mer kullern wäi dä Ball übers Feld.  
odder mahnsd, dass des heid ohne Wahnä gäihd.

### Vers 2

Dräna sin mol groust und mol gla.  
Laufn runder im Absdiegskampf.  
A aus Freude sin si da im Nu,  
bis endlassn wern in än Daschnduuch.

### Chorus

Dräna kummä und gäih,  
hasn Meier und ihr Abschied doud wäih,  
kummä widdä, machen alles neu,  
wäih nooch än Gwidder, wenn däi Sunnä schaind.

### Vers 3

Dräna laufn auf und ab,  
geem Andword auf dausnd Froong  
und sie redn im Collä Di Wi,  
was sie wirglic soong, des wass mer meisdns nie.

### Chorus

### Vers 1

### Schluss

## **Muud**

Text & Musik: Jo Jasper

© 2018 Hörenswert Records

Tonart: G moll / Tempo: 67

### Vers 1

Ich bin ned muudich, weill ich auf kaan Berch steich,  
auf äm Dach ballansier oddä friegleimb.  
Ich bin ned muudich, weill ich ned der Grösde bin  
und mich bekenn zu äm Fehler und kann Breis gewinn.

### Vers 2

Ich bin ned muudich, fühl mi vüll zu ofd allahns.  
Is ned muudich, einfach ehrlich zum sa?  
Ich bin ned muudich, weill ich zu viele Froong schdell  
Zu viele Bloong, die an meiner Seele noong kenn.

### Vers 3

Wos mich ermuudichd, is edwas wieder geem,  
su än midgefülldn Herzschooch mid dir erleem.  
Ich bin ermuudichd, horrch mers ohh die Gschichd,  
mach ned di Auung zu und hallds aus, dei Schmerzgewichd.

### Chorus

Ich bin ned muudich, wos i du des du i.  
Ich bin ned muudich, wos i dun kann du i.

### Bridge

Aus gansm Herzn für dich in diesm Aungblig.  
Ich frooch ned, wer du bisd, wou du herkommsd.  
Ob du Bedeutung hasd, oodä kanne,  
einfach blouß, weill du doo bisd.

Brauchgsd än Helld, dann bau ihm a Bodesd,  
bednän ohh und schau von dir sellber wech,  
oodä willsd einfach hie gäih, wou di kannä kennd,  
wou di kannä froochd, wie fame du bisd.

### Chorus

Die Liebe is muudich, sie machd auf, wo eigndlich Wuud is.  
Die Liebe is muudich, wo eigndlich Wuud is. Ich bin ned muudich.

## **Du bisd mei Freind**

Text & Musik: Jo Jasper

© 2018 Hörenswert Records

Tonart: C# dur / Tempo: 76

### Vers 1

Über all die Jahr hob ich dich gfundn  
und ich kenn dich und ich hob mid dir schdundn überwundn  
und ich kenn dich: Du bisd mei Freind

### Vers 2

Du bisd für mich wäi ä verborgener Schads  
und du hosd in mein Herzn än schbesielln Blads  
und ich kenn dich: Du bisd mei Freind

### Chorus

Und ich brauch dich an jedm Dooch,  
dou gibds für mich ka Frooch,  
in all der Lemsblooch.  
Und du sidsd mid mir in äm Bood,  
in der aller gräisdn Nood,  
wenn mei Schiff zum kendern drohd - bisd du dou.

### Vers 3

In jedm Broblem, ob mid odder ohne System,  
hasd in jeder debbression mir neue Zuversichd gem  
und ich kenn dich: Du bisd mei Freind

### Vers 4

Manchmol hob i dich ned gfroochd warum,  
hob ä Chaos baud und wor so dumm,  
Doch du kennsd mich, hosd du gsachd und bisd mei Freind.

### Chorus

### Vers 5

Und ich wass heid, es is Ok,  
ob in der bralln, häichsdn Sunn, odder im gnöchldiefsdn Schnee.  
Ich kenn dich: Du bisd mei Freind

Und der Song is nur für dich,  
jede Noodn die ich schbüll, ob im waahnä odder im Glüg,  
ich kenn dich: Du bisd mei Freind.

### Chorus

## **Summerdooch**

Text & Musik: Jo Jasper

© 2018 Hörenswert Records

Tonart: Bb dur / Tempo: 118

### Vers 1

Mit dir spazieren durch än Sunnäschedrahl  
Den Sommer spürn wie zum erstn Mal  
Däi Luft däi riecht wäi a Wiesnschdraus  
Ja bei dir dou bin ich zuhaus

### Chorus

Und mir lafn, lafn, lafn durch die Zeit  
Und die Liebe, Liebe, Liebe bleibt  
Aus den Gestern in das Morgen und danach  
Baby du bist für mich wäi ä Summerdooch

### Vers 2

Mir kummä an auf der Wolke 7  
Es ist gout ich bin bei dir bliem  
Jeder doch macht än sinn mit dir  
Weil mir zwa einen Herzschlag spürn

### Chorus

Und mir lafn, lafn, lafn durch die Zeid  
Und die Liebe Liebe, Liebe, Liebe bleibd  
Aus den Gesdern in das Morgen und danach  
Baby du bist für mich wäi ä Summerdooch.

### Bridge

### Chorus

### Schluss

## **Kaibirinnia**

Text & Musik: Jo Jasper

© 2018 Hörenswert Records

Tonart: Ab dur / F moll / Tempo: 194 (  $\frac{3}{4}$  )

### Vers 1

Ich mou des Dorf verlassn,  
däi allde Sidduadsion.  
Kenn jede Schdrass un jedn Baum,  
dou mich drodsdem schdändich verfoarn.

### Bridge

Manche zäing in die Schdadd,  
waills glaum, dass alles besser wärrd.  
Andere wandern aus,  
auf ä Insl in die Sunn, kummä eingdlich aus Fädd,  
kummä eingdlich aus Fädd,

### Vers 2

Doch nix hod sich wärgli veränderd,  
scho glei gor nix,  
obwohl i dou sids mid än rieesn Kallbirinnia  
und hinderher dring i nu än Schbrids.

### Bridge

### Chorus

Gallbrinnia, Virginia, Sydney oddä New York,  
wenndsd die Freiheit in Dir sellber ned erkennsd  
findsd überall blous dai Dorf.  
Dou kannst hiefoarn, wousd willsd, dou kannsd flieng bis zum Mond,  
dou konnsd rennä, oddä chilln, dou hillfd dä a ka Brülln.  
Schrei ned, schau Di sellber ooh, seds doch endlich auf, dai Brilln!

### Vers 3

Hob das Dorf nie richtig gefunden,  
von da aus könnst i weiderrgäi.

Deng an den Kirchblads, an die alde Mühln,  
wäi die Wiesn im summa blühen.

Haid wass, des Dorf könnst überooll sei,  
ä glannä Ord, den i findn könn,

weill ä immer blaibd, egooll, obs reengd, schdürmd, oddä schnaid.

### Chorus

La, la, la ...

Dou kannst hiefoarn, woustd willsd, dou kannst flieng bis zum Mond,  
dou konnst rennän, oddä chilln, dou hillfd dä a ka Brülln.

Schrei ned, schau Di sellber ooh, seds doch endlich auf, dai Brilln!

### Schluss

## **Blue suede Shoes**

Text & Musik: Jo Jasper

© 2018 Hörenswert Records

Tonart G moll / Tempo: 120

### Vers 1

Ich bin su draurich, manchmal su draurich  
und nimmer lustich, ned a mol mehr frusdich.  
Ich soochs der verdraulich, einfach blous draurich,  
wär su gern fröhlich und ned a mol allmählich,  
gäihds mer besser, des wird haid nix mehr  
und drahmäd anner nu su viele Schlösser vum Himml rundä für mich.

### Chorus

Ich deng an dich  
Und manchmal bisd du mir su fern  
Und ich such nach dem Kern und findn ned  
Wenn ich a nu su vüll redd und wahn es bringd nix  
Ich hob den Blues un schdäi in maine Blue swaide Shoes

### Vers 2

Fühl mi su Rodwein, manchmal su Rodwein,  
su klein und ohne Huud, su Handdusch, ohne Muud.  
Ich soochs der verdraulich, einfach blous draurich,  
wär su gern widdäfrei, däbai und fühl mi draussn, einfach blous aussn  
Und däd in meiner Eiverwechslung,  
ich däd des Schbill versiem und kaan ansn Ball under Kondrolle grieng.

### Chorus



## Sonnenblume

Text & Musik: Jo Jasper  
© 2018 Hörenswert Records  
Tonart: Ab dur / Tempo: 203

### Vers 1

Ich hob ä sonnenblume gseng,  
middn im Winder hods mi oglachd  
einfach su.

An ämm ziemlich kalldn Dooch,  
wolld mi scho vergriechn  
in mein so verdraudn Blues.

### Bridge

hob mer dachd, des kann ned sei,  
däi blühd doch eds ned, wens drausn schdürmd und schneid,  
dou schbülld mir aahnä bschdimmd än Schdreich.

### Vers 2

Ich bin hi gangä zu ihr  
und hob sie ohglangd,  
zum glügg hod mi kannä geseeng,  
sonnsd häddns dachd, der hod än Schlooch  
als blühd a Sünnäblumä im bidder kalldn Schnee

### Bridge 2

Däi wor dou, ihr müsstd meers glaum!  
Mei Verschdand hod gsachd:  
„Du schbinnsd, des iss ä Draum!“  
Däi wor dou ihr müsstd meers glaum.

### Vers 3

Mir is völich sonnenglar,  
däi blühd vo Juni bis Ogdober laus Wiggibedia  
Und ned bei minus drei Groot,  
wens drausn gfrird und jeder Müdsn und Handschuh oh hod.

### Bridge 3

Drodsdem hobbis vor mir geensg,  
hobs berühd und gschbürd wolld eigndlich a mid ihr reedn  
Sie hädd euch gsachd: „Ichbin fei wärgli dou.“ ☺  
Si e hädd euch gsachd: „Ichbin fei wärgli dou.“ ☺

Chorus: La, la, la ...

### Bridge 2

Schluss

## **Was saggsd?**

Text & Musik: Jo Jasper

© 2018 Hörenswert Records

Tonart: G moll / Tempo:

Was saggsd? Was hosd gsachd? ...

## **Diefseedaucher**

Text & Musik: Jo Jasper  
© 2018 Hörenswert Records  
Tonart: A moll / Tempo: 65

### Vers 1

I bin ä Diefseedaucher,  
und dauch nach Empfindungen,  
sin kaane Windungen,  
sundern Schwingungen.

### Vers 2

I bin ä Diefseedaucher,  
und dauch nach Empfindungen,  
sin kaane Windungen mim Kupf,  
sondern Schwingungen.

### Chorus

Diefseedaucher dauchn diefer,  
weills Dief braung die Herznslieder,  
weills ned wissen sondern froong,  
sich um der Echdheid willn bloong.

### Vers 1

### Vers 2

### Chorus

### Bridge

Dou drundn im blauä Meer,  
auf der Suche nach dem annä Schads,  
muss i ofd gans diief nunder,  
doch ich kenn dou än bsondern Blads.

### Chorus

### C Teil:

Is wäi a geheimnis, des mousd du kennä,  
Des mousd wissen, des findsd an der Bberfläch  
nie un nimmä.

### Chorus

## **Worschd sei**

Text & Musik: Jo Jasper

© 2018 Hörenswert Records

Tonart: G moll / Tempo: 128

Chorus

Sooch, wähi geehdsn dir?

Des kon doch dir worschd sei. 4x

Vers 1

Des si su a frängischer Schbruch

Von deenes viele gibd

Für Aan der von auusn kummsd,

dem konnsd des ned vergliggern.

Auf die Frooch wie gäidsn dir?

Song die maisdn mir geehds goud

Scho wennsd des sagsd dou dengsder:

„Allmächd scho widder des How do you do?“

Vers 2

Dir gäihds wirgliche dreggich

und du grinnsdn drodsdem ooh.

Du froogsd dich „Haddä des verdiend,  
der goude Mo?“

Su aä Schauschbüll wie baim Golldn Globe:

„Oh Im fine, you know!“

Gibbds dou ned a ehrlichere Andwordd auf die Frooch?

Chorus 4x

Vers 3

Des des des, des konn dir worschd sei

ss a form von Reschbegd.

Weill häddi gsachd mir geehds ned goud

und ihm mei Gschichd erdsälld

Dou wär mer mornng fai nu gesessn

and folln indo a deep depression,

weill mir am Leem ka Fraid mehr häddn,

ich du normooll fai wärgli ned weddn:

Abber ich kenn mai Boddendsial

und ich wass, ich hob die Wahl

Mai Andwordd is zwor frängisch,

abber ehrlich allemal:

Desweng, wenn du mich froogsd,

wenn du mich froogsd:

Chorus

## Wenn des su leichd wär

Text & Musik: Jo Jasper

© 2018 Hörenswert Records

Tonart: A dur / Tempo: 57

### Vers 1

Hey, geh ned vorbei bleib einfach schdäih hör endlich auf,  
wenn des su leichd wär, wenn's Wasser su saichd wär.

Doch du schwimmsd middn drin in derer Bräih  
ukmmsd nimmer raus, weills Wasser zu dief is  
und dei Leem ä mief is.

### Chorus

Und ich deng an dich  
und du dousd mer laid  
und ich wünsch mer su,  
dass du dich haid fraisd -  
wenn des su laichd wär,  
wenn's Wasser su saichd wär.

Su ä Sunnäschedrahl,  
su ä bisslä Glüg,  
auf mai insl dou nehmad ich dich mid -  
wenn des su laichd wär,  
wenn's Wasser su saichd wär

### Vers 2

Du khörst zu der Schichd die mit sich bricht  
abseits vom Lichd der Schdeuermillionen,  
dädsd gern schöner wohnen.

Du bisd längsd scho schdill und bai der Will am Sunndooch erzählns:  
Däi aahnä hom zwenich und däi andern zu vüll.

### Chorus

Wenn des su leichd wär

### Schluss

## Vadder

Text & Musik: Jo Jasper

© 2018 Hörenswert Records

Tonart: A moll / Tempo: 123

### Vers 1

Vadder, ich deng ofd an dich,  
an dei oard und dei Lachn.  
Vadder, ich deng ofd an dich,  
an dei Schdimm und deine Wordde.

### Vers 2

Vadder, ich wass nu ganz genau,  
wie du gangä bisd, nach langer Grangheid.  
Vadder, ich wass nu ganz genau,  
wie du gangä bisd zu die ewichn Friedensordde.

### Chorus

Vadder, ich denk ofd an dich,  
Vadder, oh Vadder.  
Vadder, ich denk ofd an dich,  
mmhh.

### Vers 3

Ich woar gschdandn an deem Bedd,  
hob gwaahnd, wäi ä Schlosshund.  
Du woasd gangä, für immer nimmer dou,  
in derer Welld, in derer Welld.

### Vers 4

Drodsdem woars baradox,  
ich woa draurich und gleichzeitich dangboa.  
Drodsdem woars baradox,  
ich hob anfangd, zu beedn.

### Chorus 2

Vadder unser um Himml,  
geheilichd soll ä werrn, dei Naamä. 2x

Dei reich soll mummä,  
dei Wille gechehng,  
wäi im Himml, su auf Erdn. 2x

Unser dääglichs Brood, kumm, gibb uns des heid  
und vergibb uns unser Schulld.

Wäi a mir vergem unsern Schuldigern und bidde:  
führ uns ned in Versuchung.  
Dou uns erlösn von dem Bösn,  
dou uns erlösn von dem Bösn.

Dir gehörd des Reich und die Graffd,  
Du bisd die Herrlichkeit.  
Ja, dir ällah gehörd des Reich und die Graffd,  
und du bisd die Herrlichkeit.

In Ewichkeid - Amen